



中國大事記



民國六年五月十六日

●公布青海區衆議院議員補選日期令……於本年五月三十一日舉行。

●公布青海區參議院議員補選日期令……於本年六月一日舉行。

●內務部呈准黑龍江設龍門綏楞通北泰來漠河等縣治……黑龍江綏蘭道屬之海倫縣龍門鎮暨通肯地方。綏化縣之上集廠。龍江道屬之泰來稽墾局。黑河道屬漠河總卡。前經黑龍江巡按使朱慶瀾呈准分別改爲龍門綏楞通北泰來漠河各設治局。現省長畢桂芳。調查各屬情形。或墾戶雲集。闢地甚多。或地居衝繁。形勢扼要。特呈請將龍門設治局改爲龍門縣。綏楞設治局改爲綏楞縣。通北設治局改爲通北縣。泰來設治局改爲泰來縣。漠河設治局改爲漠河縣。並將龍門漠河二縣。訂爲二等縣缺。綏楞通北泰來三縣。訂爲三等縣缺。經內務部核辦後。於本日呈

奉大總統指令照准。

同 十七日

●令撥銀十萬圓賑四川兵災……令曰。此次川滇兩軍。在四川省城互鬪。以致省城及附近一帶地方。人民傷斃。街市延燒。疊據該省官紳聯電告災。並據查辦使王人文張習電陳沿途接見紳耆陳述被難情形。披閱之下。實深憫惻。著財政部迅即撥銀十萬圓。並由本大總統特捐銀二萬圓。一併發交該省省長。督率該管地方官吏。會同公正紳耆。將被災戶口。切實查明。迅予分別賑撫。其餘善後應辦各事宜。並著妥速籌辦具報。此令。

同 十八日

●日本參謀次長來華……日本參謀次長田中中將。由日來華。於本日抵上海。至上海漢口及各處兵工廠參觀。旋入京謁見大總統。

同 十九日

34128

●衆議院議決緩議對德宣戰案……國務院於本月七日在衆議院提出對德宣戰案。衆議院旋於十日開委員會審查。因被公民請願團滋擾。未經開議。復經國務院於十五十八日兩次咨請衆議院從速議決。本日衆議院提出政府咨文。經議員褚輔成動議。謂內閣閣員。現已多數辭職。主張此案暫行緩議。俟內閣全體改組。再行討論。當經多數表決。

●各省督軍等呈請大總統改制憲法……吉林督軍孟恩遠。湖北督軍王占元。山東督軍張懷芝。福建督軍李厚基。河南督軍趙倜。安徽省長倪嗣冲。江西督軍李純。山西督軍閻錫山。察哈爾都統田中玉。綏遠都統蔣雁行。及浙江督軍楊善德代表趙禪。奉天督軍張作霖代表楊宇霆。陝西督軍陳樹藩代表瞿壽祺。甘肅督軍張廣建代表吳中英。黑龍江督軍畢桂芳代表張宣張發宸。熱河都統姜桂題代表馮夢雲。湖南督軍譚延闓代表張翼鵬。新疆督軍楊增新代表錢桐。江蘇督軍馮國璋代表師景雲。貴州督軍劉顯世代表王文華。雲南督軍唐繼堯代表葉荃等。於本日呈大總統文云。竊惟國家賴法律以生存。法律以憲法爲根本。故憲法良否。實即國家存亡之樞。恩遠等到京以來。轉瞬月餘。目覩政象之危。匪言可喻。然猶無難變計圖善。惟日前憲法會議二讀會及審議會通過之憲法數條內。有衆議院有不信任國務員之決議時。大總統可免國務員之職。或解散衆議院。惟解散時須得參議院之同意。又大總統任免國務總理。不必經國務員之

副署。又兩院議決案與法律有同等效力等語。實屬震悚異常。查責任內閣之制。內閣對於國會負責。若政策不得國會同意。或國會提案彈劾。則或令內閣去職。或解散國會。訴之國民。本爲相對之權責。乃得持平之維繫。今竟限於有不信任之決議時。始可解散。夫政策不同意。尙有政策可憑。提案彈劾。尙須罪狀可指。所謂不信任云者。本屬空渺無當。在憲政各國。雖有其例。究無明文。內閣相對之權。應爲無限制之解散。今更限以參議院之同意。我國參衆兩院。性質本無區別。迴護自在意中。欲以參議院之同意。解散衆議院。寧有能行之一日。是既陷內閣於時時顛危之地。更侵國民裁制之權。憲政精神。漸滅已盡。且內閣對於國會負責。故所有國家法令。雖以大總統名義頒行。而無一不由閣員副署。所以舉責任之實際者在此。所以堅閣員之保障者亦在此。任免總理。爲國家何等大政。乃云不必經國務員副署。是任命總理時。雖先有兩院之同意爲限制。而罷免時則毫無牽礙。一惟大總統個人意旨。便可去總理如逐廝役。試問爲總理者何以盡其忠國之謀爲民宣力乎。且以兩院鄭重之同意。不惜犧牲於命令之下。將處法律於何等。又將自處於何等乎。至議決案與法律有同等效力一層。議會專制口吻。尤屬顯彰悖逆。肆無忌憚。夫議員議事之權。本法律所賦予。果令議決之案。與法律有同等效力。則議員之於法律。無不可起滅自由。與朕開口卽爲法律之口吻。更何以異。國家所有行

政司法之權。將同歸消滅。而一切官吏之去留。又不容不仰議員之鼻息。如此而欲求國家治理。能乎不能。况憲法會議近日開會情形。尤屬鬼域。每一條文出。既恆阻止討論。羣以即付表決相諱請。又每不循四分三表決定例。而輒以反證表決為能事。以神聖之會議。與兒戲相終始。將來宣佈後謂能有效。直欺天耳。此等憲法。破壞責任內閣精神。掃地無餘。勢非舉內外行政司法各官吏。盡數變為議員僕隸。事事聽彼操縱。以暢遂其暴民專制之私欲不止。我國本以專制弊政。秕害百端。故人民將士。不惜擲頭顱捐血肉慘澹經營以構成此共和局面。而彼等乃舞文弄墨。顯攫專制之權。歸其成掌握。更復何國家。以上所舉。猶不過其犖犖大者。其他鉗束行政。播弄私權。紕繆尚多。不勝枚舉。如認此憲法為有效。則國家直已淪胥於少數暴民之手。如憲法佈而羣不認為有效。則禍變相尋。何堪逆計。推原禍始。實由組織憲法之根基不良所致。考之各國制憲成例。不應由國會議定。故我國欲得良妥憲法。非從根本改正。實無以善其後。不於此時急行剷除。恐憲法全部二讀會。不日告終。條文已定。三讀會不過修正文字。於立法義旨。不能再有改移。三讀既竟。當日即可逕由憲法會議宣佈施行。彼時即欲補苴。勢將無及。強圖挽救。又必釀成絕大弊端。不蹈違法之行。即造革命之實。恩遠等觸目驚心。實不忍坐視艱辛締造之局。任令少數之人。倚法為奸。重召鉅禍。欲作未雨之綢繆。

應權利害之輕重。以常事與國會較。固國會重。以國會與國家較。則國家重。今日之國會。既不為國家計。是已自絕於人民。代表資格。當然不能存在。猶憶天壇草案初成。舉國惶駭時。我大總統在鄂督任內。挈銜通電。力闢其非。至理名言。今猶頌聲盈耳。議憲各員。具有天良。當能記憶。何竟變本加厲。一至於此。惟有仰懇大總統權宜輕重。毅然獨斷。如其不能改正。即將參眾兩院即日解散。另行組織。俾議憲之局。得以早日改圖。庶幾共和政體。永得保障。奕世人民。重拜厚賜。恩遠等忝膺疆寄。與國家休戚相關。興亡之責。寧忍自後於匹夫。垂涕之言。伏祈鑒察。無任激切屏營之至。同日遞呈國務總理並通電各省。

同 二十一日

●參與軍事會議各督軍出京……各督軍於十九日呈請改制憲法後。本日多數出京。在天津開會議一次。同赴徐州長江巡閱使署。旋即分別歸任。軍事會議遂暫就停止。

同 二十二日

●四川懋功匪亂……川省懋功縣匪僧察都。聚眾倡亂。攻佔懋功縣城。近復自稱通治皇帝。設立偽官。進據谷屯縣。並強迫附近各土司服從。已由省派兵往剿。

同 二十三日

●免國務總理兼陸軍總長段祺瑞職令外交總長伍廷芳暫行代理

34130 國務總理……除免職命令外。大總統並將免職原因通電各省。略謂段總理任事以來。勞苦功高。深資倚畀。前因辦事困難。歷請辭職。疊經慰留。原冀宏濟艱難。同支危局。乃日來閣員相繼引退。政治莫由進行。該總理獨力支持。賢勞可念。當國步

一 帶肆擾。現被寧夏護軍使馬福祥所部軍隊擒獲正法。又匪首呂光。占據貴德縣。煽惑番賊作亂。亦爲西寧鎮守使馬麒擒獲槍斃。

同 二十六日

去該總理本職。由外交總長暫行代署。俾息仔肩。徐圖大用。一面敦勸東海出山。共膺重寄。其陸軍總長一職。擬令王聘卿繼任。執事等公忠體國。偉略匡時。仍冀內外一心。共圖國是云云。段總理當於是日出京。並通電聲明本日命令。未經副署。將來地方及國家。因此生何影響。一概不能負責。旋有長江巡閱使張勳等電稱此令由國務總理伍廷芳副署。不合法律。議院亦提出質問。當經代理國務總理伍廷芳。依據約法。并引民國以來任命總理之先後。通電解釋。並向議會答復。

●內務部呈准陝西磚坪縣更名嵐皋……陝西磚坪縣。係沿襲清初分汛地名。現該省省長李根源。准省議會咨請改名嵐皋。轉呈中央。經內務部核議後。本日呈奉大總統指令照准。

●特派王士珍爲京津一帶臨時警備總司令江朝宗陳光遠爲副司令

●陸軍部呈准執行吳大洲無期徒刑……前山東護國軍首領吳大洲。被山東公民代表周梅鶴等告發。佔據周村等處時。有掠奪民財傷害人命以及縱兵掠奪等種種不法。由陸軍部組織高等軍法會審。依法審理。現經會審終結。訊明告發各節均屬實情。依律分別處斷。其最重刑爲死刑。從寬減一等定爲執行無期徒刑。本日由部呈奉大總統指令照准。

●黑龍江都魯河兵變……黑龍江都魯河觀都金廠。向駐有陸軍一排。近被胡匪勾結。突行譁變。大肆搶掠。旋即竄散。

●特任李經羲爲國務總理……國務總理段祺瑞免職後。大總統在國會提出擬任李經羲爲國務總理案。經兩院先後投票表決。均多數同意。本日下午令任命。當派員赴津往迎。李復書辭謝。

●任命權量署交通次長仍代理部務

●綏遠旅長王不煥槍斃都統署副官長張鳳朝……綏遠都統蔣雁行。晉京參與軍事會議。署中事務。委副官長張鳳朝代辦。本日。口北司令兼旅長王不煥。將張鳳朝槍斃。並自行代任都統事務。

●甘肅軍隊擒獲匪首吳生彥……甘肅匪首吳生彥。詐稱清室後裔達兒六吉。自號統緒皇帝。封盧占魁爲大元帥。在甘蒙邊境

同 二十八日

●甘肅軍隊擒獲匪首吳生彥……甘肅匪首吳生彥。詐稱清室後裔達兒六吉。自號統緒皇帝。封盧占魁爲大元帥。在甘蒙邊境

同 二十八日

●甘肅軍隊擒獲匪首吳生彥……甘肅匪首吳生彥。詐稱清室後裔達兒六吉。自號統緒皇帝。封盧占魁爲大元帥。在甘蒙邊境

同 二十八日

●甘肅軍隊擒獲匪首吳生彥……甘肅匪首吳生彥。詐稱清室後裔達兒六吉。自號統緒皇帝。封盧占魁爲大元帥。在甘蒙邊境

同 二十八日

●甘肅軍隊擒獲匪首吳生彥……甘肅匪首吳生彥。詐稱清室後裔達兒六吉。自號統緒皇帝。封盧占魁爲大元帥。在甘蒙邊境

同 二十八日

●甘肅軍隊擒獲匪首吳生彥……甘肅匪首吳生彥。詐稱清室後裔達兒六吉。自號統緒皇帝。封盧占魁爲大元帥。在甘蒙邊境

同 二十八日

●甘肅軍隊擒獲匪首吳生彥……甘肅匪首吳生彥。詐稱清室後裔達兒六吉。自號統緒皇帝。封盧占魁爲大元帥。在甘蒙邊境

同 二十八日

●甘肅軍隊擒獲匪首吳生彥……甘肅匪首吳生彥。詐稱清室後裔達兒六吉。自號統緒皇帝。封盧占魁爲大元帥。在甘蒙邊境

同 二十八日

●甘肅軍隊擒獲匪首吳生彥……甘肅匪首吳生彥。詐稱清室後裔達兒六吉。自號統緒皇帝。封盧占魁爲大元帥。在甘蒙邊境

同 二十八日

●甘肅軍隊擒獲匪首吳生彥……甘肅匪首吳生彥。詐稱清室後裔達兒六吉。自號統緒皇帝。封盧占魁爲大元帥。在甘蒙邊境

同 二十八日

●甘肅軍隊擒獲匪首吳生彥……甘肅匪首吳生彥。詐稱清室後裔達兒六吉。自號統緒皇帝。封盧占魁爲大元帥。在甘蒙邊境

同 二十八日

●蒙匪攻佔呼倫貝爾……蒙匪巴布扎布餘孽八千餘人。由科爾沁及哈爾濱河等處。進攻呼倫貝爾。本日被陷。副都統勝福棄城潛避。

同 二十九日

●安徽省長倪嗣冲等宣告與中央脫離關係……各省督軍在京時曾聯名呈請總統改制憲法。未奉批答。近因總理段祺瑞奉令免職。咸指此舉為不合法律。安徽省長倪嗣冲。於本日通電。聲稱羣小怙權。擾亂政局。國會議員。乘機構煽。政府幾乎一空。憲法又係議院專制。自本日起。與中央脫離關係。即扣留津浦鐵路火車。運兵赴津。奉天督軍兼署省長張作霖。(二十八日)陝西督軍陳樹藩、河南督軍趙倜、省長田文烈、(均二十九日)浙江督軍楊善德、省長齊耀珊、(三十日)山東督軍兼署省長張懷芝、黑龍江督軍兼署省長畢桂芳、幫辦軍務許蘭洲、(三十一日)直隸督軍曹錕、省長朱家寶、第二十師師長范國璋、福建督軍李厚基、(六月一日)綏遠旅長王丕煥、(四日)山西督軍閻錫山、第七師師長張敬堯、第八師師長李長泰等。均先後宣告與中央脫離關係。當經總統發電勸告。並派員分往宣慰。

同 三十日

●財政部呈准裁併內國公債公債局……內國公債局。前由財政部呈奉前大總統明令設立。會由局經理發行三四年內國公債。現財政部為統一事權節省經費起見。呈請將該局暫行裁撤。所

有該局向管各種事務。由部派員接收。歸併部中辦理。本日奉指令照准。

同 三十一日

●衆議院議長湯化龍辭職改選吳景濂為議長……衆議院議長湯化龍因近日政局變動。向院陳請辭職。經多數表決許可。即舉行改選。吳景濂以多數當選為議長。副議長陳國祥。亦陳請辭職。未經許可。參衆兩院議員。先後辭職者甚衆。

六月 一日

●令安徽督軍張勳來京……令曰。據安徽督軍張勳來電。滙陳時局。情詞懇摯。本大總統德薄能鮮。誠信未孚。致為國家禦侮之官。竟有藩鎮聯兵之禍。事與心左。慨歎交深。安徽督軍張勳。功高望重。公誠愛國。盼即迅速來京。共商國是。必能匡濟時艱。挽回大局。跂予望之。此令。張勳旋於七日由徐州率兵五千起程。翌日抵津。當先派兵入京。並由津電陳調停條件。請限日解散國會。

●安徽阜陽縣罪犯越獄焚署……安徽阜陽縣所駐軍隊。近多調往蚌埠。該縣獄中罪犯。乘虛反獄。並與土匪聯合。衝入縣署。縱火焚燬。延燒民房多間。兵警開槍追捕。誤斃人民頗衆。

同 二日

●令內務次長張志潭教育次長袁希濤暫行代理部務……教育總長兼署內務總長范源廉給假

34132

●國務院查覆甘肅省長張廣建被揭案……甘肅省長張廣建被揭案。經國務院派員查明。或事出傳聞。或案經辦結。於本日呈覆。奉大總統指令毋庸置議。

●脫離中央各省在天津設立總參謀處……直魯皖豫浙奉陝等脫離中央各省。在天津設立各省軍務總參謀處。分軍事軍機軍需等部。以雷震春為總參謀。於本日宣告成立。並由雷震春通電。聲稱出師各省。意在鞏固共和國體。另訂根本大法。設立臨時政府臨時議會云。

同 三日

●副總統馮國璋辭職……副總統馮國璋。以近來時局危迫。無術救濟。於本日電達參眾兩院。請辭中華民國副總統一職。當派員將原受證書具文送繳兩院。並通電中央及各省聲明。當經大總統發電慰留。旋因議院解散。派往之員。無從送繳證書。即將證書並原具咨文費還副總統。

●湖南水災……湖南芷江麻陽通道永明靖縣等縣。因連日霖雨。洪水為災。均電省請賑。

●江西南昌火藥庫爆炸……江西南昌德勝門外天竺廟內。向貯有軍用火藥。近因天氣變動。於本日突然爆炸。斃看守兵士十餘人。震毀房屋多間。

同 四日

●任命李思浩兼署中國銀行總裁……令徐恩元無庸兼署中國銀

行總裁

●江西督軍李純入京……江西督軍李純。因調停時局。於本日由贛抵京。旋即回省。

同 五日

●撤銷京津警備……京津一帶。前定為警備區域。大總統特派王士珍江朝宗陳光遠為臨時警備總副司令。現已撤銷。

●海軍總長程璧光赴滬……海軍總長程璧光。因處置海軍重要事務。於本日由京啟程赴滬。旋即返京。

●秦晉閩各省長離職……陝西省長李根源山西省長孫發緒均因該省督軍與中央脫離關係之故。先後離職。各將職務交政務廳長代理。福建省長胡瑞霖亦離任。

●交通部電請脫離中央各省保護鐵路……交通部因邇來脫離中央各省。屢有扣留貨車監視路員截收車務進款之舉。實足影響地方治安。損礙車務營業。並慮啓借款公司之干涉。特於本日電請保護。

同 七日

●令農商次長文羣暫行代理部務全國水利局副總裁潘復暫行代理總裁職務……農商總長兼全國水利局總裁谷鍾秀給假

●外交部接美國政府勸告公文……駐京美使奉本國政府訓令。於本日以公文送達外交部。略謂美政府聞中國內訌。極為憂慮。篤望即復歸於和好。政治統一。中國對德開戰。抑或仍守與德

絕交之現狀。乃次要之事件。在中國最爲必要者。乃維持繼續其政治之實體。沿已得進步之途徑。進求國家之發展。美國所以關心於中國政體及行政人物者。僅以中美友誼之關係。美國不得不助中國。但美國尤深切關心者。在中國之維持中央統一與單獨負責之政府。是以美國今表示其極誠懇之希望。願中國爲自己利益及世界利益計。立憲黨爭。並願所有黨派與一切人民。共謀統一政府之再建。共保中國在世界各國中所應有之地位。但若內訌不息。而欲佔其所應得之地位。則必不可能也。

●熊希齡通電反對清帝復辟……熊希齡因近日天津方面。有人倡爲清帝復辟之說。特由津通電中央及各省。條陳在財政上外交上軍政上民生上及前清皇室之種種危險。痛闢其說。清室亦連日籌議。杜遏復辟之說。

同日

●令司法次長徐謙暫行代理部務……司法總長張耀曾給假。

●各國駐津領事團警告天津參謀處……駐津各國領事團。因脫離中央各省。紛紛調兵到津。特向天津總參謀處警告。注意庚子辛丑條約。

同日

●准外交總長伍廷芳免代理國務總理職

●特任江朝宗暫行代理國務總理

●令將參衆兩院解散……令曰。上年六月。本大總統申令。以

憲法之成。專待國會。開國五年。憲法未定。大本不立。亟應召集國會。速定憲法等因。是本屆國會之召集。專以制憲爲要義。前據吉林督軍孟恩遠等呈稱。日前憲法會議及審議會通過之憲法數條。內有衆議院有不信任國務員之決議時。大總統可免國務員之職。或解散衆議院。惟解散時。須得參議院之同意。又大總統任免國務總理。不必經國務員之副署。又兩院議決案。與法律有同等效力等語。實屬震悚異常。考之各國制憲成例。不應由國會議定。故我國欲得良安憲法。非從根本改正。實無以善其後。以常事與國會較。固國會重。以國會與國家較。則國家重。今日之國會。既不爲國家計。惟有仰懇權宜輕重。毅然獨斷。將參衆兩院即日解散。另行組織。俾議憲之局。得以早日改圖。庶幾共和政體。永得保障等語。近日全國軍政商學各界。函電絡繹。情詞亦復相同。查參衆兩院。組織憲法會議。時將一載。迄未告成。現在時局艱難。千鈞一髮。兩院議員紛紛辭職。以致迭次開會。均不足法定人數。憲法審議之案。欲修正而無從。自非另籌辦法。無以慰國人憲法期成之渴望。本大總統俯順輿情。深維國本。應即准如該督軍等所請。將參衆兩院即日解散。尅期另行選舉。以維法治。此次改組國會本旨。原以符速定憲法之成議。並非取消民國立法之機關。邦人君子。咸喻此意。此令。同日大總統通電各省云。元洪自就任以來。首以尊重民意謹守約法爲職志。雖德薄能鮮。未廢輿情。而守

34134 法勿渝之素懷。當爲國人所共諒。適者國會再開。成績鮮眇。憲法會議。於行政立法兩方權力。畸輕畸重。未劑於平。致滋口實。皖奉發難。海內騷然。衆矢所集。皆在國會。請求解散者。呈電絡繹。異口同聲。元洪以約法無解散之明文。未便破壞法律。曲徇衆議。而解紛靖難。智勇俱窮。亟思遜位避賢。還我初服。乃各路兵隊。逼近京畿。更於天津設立總參謀處。自由號召。並聞有組織臨時政府與復辟兩說。人心浮動。訛言繁興。安徽張督軍北來。力主調停。首以解散國會爲請。迭經派員接洽。據該員復述。如不即發明令。即行通電卸責。各省軍隊。自由行動。勢難約束等語。際此危疑震撼之時。誠恐貌躬驟然引退。立啓兵端。匪獨國體政體。根本推翻。抑且攘奪相尋。生靈塗炭。都門首善之地。受害尤烈。外人爲自衛計。勢必至始於干涉。終以保護。亡國之禍。卽在目前。元洪籌思再四。法律事實。勢難兼顧。實不忍爲一己博守法之虛名。而使兆民受亡國之慘痛。爲保存共和國體保全京畿人民保持南北統一計。迫不獲已。始有本日國會改選之令。忍辱負重。取濟一時。吞聲茹痛。內疚神明。所望各省長官。其曾經發難者。各有悔禍厭亂之決心。此外各省。亦皆曲諒苦衷。不生異議。庶幾一心一德。同濟艱難。一俟秩序回復。大局粗安。定當引咎辭職。以謝國人。天日在上。誓勿食言。又步軍統領代理國務總理江朝宗。亦通電各省云。現在時艱孔亟。險象環生。大

局岌岌。不可終日。總統爲救國安民計。於是有本日國會改選之命令。朝宗仰承知遇。權代總理。誠不忍全國疑謗。集於主座之一身。特爲依法副署。藉負完全責任。區區之意。欲以維持大局。保衛京畿。使神州不至分崩。生靈不罹塗炭。一俟正式內閣成立。卽行引退。違法之責。所不敢辭。知我罪我。聽諸輿論而已。

●熱河都統姜桂題入京……熱河都統姜桂題因調停時局。由熱河至京。

同 十四日

●安徽督軍張勳國務總理李經羲由津入京……安徽督軍張勳。前奉大總統命令來京共商國是。由徐抵津後。首請解散國會。然後入京。現因國會已被解散。本日由津帶兵一營入京。國務總理李經羲。奉令特任後。迭經大總統派員赴津敦促。屢辭不就。本日亦同張勳抵京。

●北京烟酒商業銀行開業……商人張肇達等。爲發達烟酒商業起見。募集股本五百萬元。組織烟酒商業銀行。呈經全國烟酒事務署及財政部核准。並由全國烟酒事務署撥咨提倡。現已開業。

同 十六日

●任命江庸署司法次長暫行代理部務……司法次長代理部務徐謙呈准免職。

●黑龍江幫辦軍務許蘭洲通電就督軍職……黑龍江督軍兼署省長畢桂芳於本日電告交卸。將督軍省長一切責任。交幫辦軍務許蘭洲擔負。許蘭洲即於同日通電就職。該省陸軍騎兵第四旅旅長英順步兵第一旅旅長巴英額等。旋於二十二日通電。稱許蘭洲以武力脅迫畢督退職自代。萬不承認。宣告與許蘭洲斷絕關係。

同 十九日

●脫離中央各省通告取消脫離中央宣言……倪嗣冲等前因要求解散國會等事。先後宣言脫離中央關係。現以國會已奉令解散。其餘條件。均由安徽督軍張勳電稱已呈請大總統照准。均先後通電取消脫離中央之宣言。

●旅滬兩院議員通電解散國會命令無效……參眾兩院奉大總統命令解散後。兩院議員。即出京南下。在上海設立通訊處。本

日以旅滬兩院議員名義。電致湘粵桂滇黔川各省。聲稱據約法大總統無解散國會權。且副署解散命令之江朝宗。為步軍統領。非國務員。不能代理國務總理。同人認大總統為受武力脅迫。已失自由。約法載命令不得與法律牴觸。此次解散國會之命令。既經總統總理自認違法。當然無效。

同 二十日

●廣東督軍陳炯明廣西督軍譚浩明通電兩廣暫行自主……廣東督軍陳炯明廣西督軍譚浩明。於本日通電中央及各省。謂大總統為武力挾持解散國會。全粵人士。切齒椎心。請速籌適合人民心理之正當救濟方法。或即恢復舊國會。或尅期重組新國會。俾民意有所攸託。並宣告國會未經恢復以前。所有兩廣地方軍民政務。暫由兩省自主。遇有重大事務逕行稟承大總統訓示。不受非法內閣干涉。俟准上項問題。共和依法解決。再行聽命。

